

四百三十二峯草堂詩鈔

四百三十二峰草堂詩鈔卷第十

惠州 趙希璜 渭川

辛亥

出函谷關

羣峰東走拱函關  
驛路遙分霄漢間  
築塞家僮楊僕恨  
爲雞食客孟嘗還  
廻翔紫氣重光日  
收束黃河二華山  
逆旅主人尋尹喜  
問誰鶴髮更童顏

關河百二稱形勝  
道德三千括治安  
太史不教藏柱下  
神龍從此入雲端  
要知逐鹿同摧險  
方信驅民起揭竿  
西蜀子陽窺井底  
東封枉自說泥丸

次洛陽縣寄魚山太史兼呈序東明府

時魚山客孟縣

花明柳暗洛城隈東出函關春已回一葦黃河留客住六  
年青眼待君開異書可許謨觴讀仙鶴頻驂子晉來寄語  
河陽賢令尹追蹤潘岳是通材

飲酒罰依金谷數譚元人在偃師東無言桃李成幽徑放  
眼烟嵐逐曉風到處流澌春影碧是誰望氣劍光紅機雲  
若許同酣醉何必名園訪石崇

洛陽縣口占

綠柳紅桃樹裏行春風暗引馬蹄輕不知何處花如錦聽  
賣花聲滿洛城

小樓燕子撲簾飛誰倚紅窗看翠微幾度呢喃風影外春  
情已逗柳梢歸

曉渡洛河

北邙如帶洛川迴  
殘月籠烟曙色開  
水影山光半明滅  
輕舟遙向日邊來

至汴梁知魚山自孟縣赴楚

迂道我來汴先生又楚遊  
一官真落落六載總悠悠  
夢境赤壁賦詩情黃鶴樓  
相將尋李白前去識荊州

邯鄲旅店題壁

醉語方酣日已東  
春風輕漾麴塵紅  
黃梁炊熟不成夢  
那識浮生盡夢中

柏鄉道中

小桃次第杏花開  
馬上看山山色迴  
遙對夕陽帆掛處  
綠

楊風引小車來

再寄魚山

有美一人兮羞與絳灌伍文章追風騷詩才齊李杜匹馬  
西入秦扁舟南下楚落落不得志默默無一語爲佩思紉  
蘭芳洲覓鸚鵡醉登嚴武牀戲擊禰衡鼓笑傲淖波母  
爲侮黃祖

寄懷莊似撰別駕

君名已登老壽籍豈必漢陰甘遁跡

似撰前客橫州時夢異人云其名在老壽

籍去年十月小梅開送君出門雪花白貪看雪月交輝光

不覺雲烟生肘腋老壽籍中有我否風塵道上何時息黃  
鵠高飛天蒼蒼月河繞城水湜湜開門口對鳳凰山御風

行有王喬鳥

月河鳳凰山在漢陰城南

佳山佳水我舊遊盤輿蘆艇尋

幽僻好官兼可不愛錢琴堂青草常盈尺到此真爲老壽

徵清閒已著循良績我今廻首望終南從茲咫尺仙凡隔

尙憑蝶夢悟蒙莊醒來三弄桓伊笛

和袁簡齋先生自輓詩

達人善觀化彭鏗原先殤斯世壽者誰生順安吾常順卽  
餘死地動植都糝糠此身得所歸有情類可忘卓哉簡齋  
翁妙理宗蒙莊無身而有情情外身何鄉郵筒自輓詩不  
脛走八荒遊情於冥漠曲證叅微茫謂我身本有一隙依  
流光謂我身本無七尺何昂藏及此未死時賦詩慨以慷  
陽春索和稀薤露悲歌長青山多白雲舉首遙相望驚禽

與駭獸伊嚶或跳梁新鬼故鬼哭野花開青棠昔當盛名

集詞源傾長楊亦應鴻詞科何人相頡頏被落李義山

義山

舉博學鴻詞被落見集內與陶進士書

愁吟長爪郎石破天驚句時貯奚奴

囊少年甲第登射策金馬傍後進歷元白特達聞圭璋名

士忽作宰潘岳來河陽風流邁等倫月旦評雌黃倏然夷

惠間邈矣鷄鷩行逍遙世載遊翼鏢七十強病早笑瘦腰

貧寧咄枯腸新鬼雲間陸故鬼偃師王譚元本多事修文

奚徬徨若云泉下人猶重能文章何以北邙坂不薰班馬

香若云元中理草莽騰光芒何以魯諸生災異譏京房死

未萬緣寂生識二氣良惡樂均死生仙佛同荒唐惟有情

不滅難與身俱亡予懷還杳杳予涕垂浪浪予慙未識翁

讀詩增感傷感傷先大夫與翁仕同方

先君於乾隆十三年攝江寧縣事

四十有四年小子名未揚輓翁介洪君差憐詩債償

接大兒子書哭長媳黃氏

母女後先淪異地傷心不禁淚成河

去年五月內子因次

陝甫閏月而第三孫女夭沒今年復遭長媳之變家門不幸抑至如此

幾人宦海同予險偏

是新愁作客多

題鄧芬圃施藥圖

濟世操仁術成章總斐然寧惟除疝癘已自起顛連解組

貽良藥攀轅選大錢歌聞襦袴後蘭菊愛常懸

臨海陶宏景羅浮葛稚川千金方易得九轉訣難傳况以

求民瘼真同解倒懸壺公偶游戲莫說洞中天



菊影和韻二首

傲骨何堪玉手凭蕭疎月下浪層層疑從九日仙胎換傳  
寫三都紙價增北牖曠懷同入夢東籬縱酒好惟燈笑他  
花樣添摹本色相皆空得未曾

金屋娉婷愛比論移花接木亂黃昏寒於水者冰無跡影  
問形時月有痕未逐蒙莊同化蝶却隨倩女乍離魂少君  
能得還丹訣定許姍姍解笑言

題王樂亭石麟授字圖

真果生兒似阿侯夢中繡襦畫中求天人合有曼殊契鸚  
鵡傳呼小玉不

家學淵源義與獻小蠻楊柳領春風投懷玉燕翩翩影識

得烏衣舊巷中

之無七月慧根奇不是楊梅見客時若遇山濤垂品鑒笑  
君生此寧馨兒

顏耘甫祠部履

蹕熱河

行圍校射連中四矢蒙

恩賞戴花翎詩以賀之

校射

行圍契

九重花翎

特資

聖恩濃請纓人慶彈冠日耀首星廻落鴈峰已是鳳毛誇  
謝椽曾將鶴筆笑王恭書生竟擅穿楊技顧盼通侯萬里  
封

惟有葵丹常向日欣看孔翠正臨風承

恩鵠起箕裘紹

尊人靜山中丞於金川轉運時蒙

恩賞戴花翎

灌頂雲扶羽翮

豐微露一斑酬貫札紛披五色卜飛熊虎頭用壯鷹揚氣  
冀英

堯階造化同

別叔明

宦轍同浮萍忽散而忽聚白頭老兄弟紅塵馳道路各以

官事牽何暇私情顧

叔明以委解木植自楚來京希環於

特旨送部引

親亦

以今年三月內入都偏反唐棣花鄂韡溥玉露離離鴻鴈鳴茫茫霄

漢去南北常分飛廻翔還小駐况與仲子別卅年未一遇

仲輝再官滇南幾三十年矣中間不  
得一見今以委解銅觔先後至京 茲幸萍踪合團樂真

定數兄復自楚來後先欣把晤潸然淚交流對面疑錯誤

恂兒別不久亦覺失常度仲輝長子恂別纔六年今倅襄陽解餉入都驚晤之下不勝懷

惻手牽仲子衣謂我眼昏瞽兄聞輟然笑鬚髮都非故豈

忘童穉時梳擲流光赴我欲泣吞聲浮名何足驚天倫有

真樂相逢悔遲暮面皮縐紋皴吟哦寡意趣金臺五閱月

才似片時晤又作遠別離兄楚我往豫秋風吹衣襟碧雲

生野樹洞庭波已平桂楫芙蓉渡兄在鑑中行我思黃鵠

翥仲子更辛酸孤身傷旅寓滇海萬里遙蠶叢交壤處欲

申後會期俛首不能語

留別洪稚存太史

短衣匹馬中州去長劍依空人欲仙  
差勝河陽爲令日正從叔度定交年  
春風楊柳三更雨秋水蒹葭八月天  
聚散笑隨來往燕離情別緒更纏綿

二華峰猶望裏懸何年重拍先生肩  
欲倩嵩雲化飛鳥時來燕市作遊仙  
陳蕃有榻招徐孺王粲登樓愧馬遷  
一自醇醪心醉後好將佳話玉堂編

過馮唐故里

三世爲郎日中天應運時終能承顧問  
不必感衰遲耐久將誰匹安貧是我師  
畧嫌燕趙習慷慨語多奇

謁岳武穆祠

三軍齊一哭萬里墮長城袒背精忠字同心義勇兵於今  
崇俎豆有宋愧簪纓和議垂成日南侵已敗盟  
不惜稱臣姪何須問父兄撼山原未易破竹已將成冤獄  
填三字灰心復兩京愛錢兼畏死社稷一何輕

寄孫淵如比部

花開芍藥憶芳筵曲蔭人遊色界天結社風高七賢後論  
交神契十年前妻梅子鶴非和靖馬異驢同笑玉川仙佛  
關頭都勘破最難排遣是情緣

十一月十九日王秋塍明府招集縣齋作銷寒小飲  
彭愛園出觀何雪漁爲馬湘蘭所刊浮生半日閒

印章卽和秋勝原韻

杯酒忘懷佳客共餉我新詩  
春欲縱出墻遙望小梅斜壓  
檐低掛寒雲重鶴頭蚊脚玉雕成  
垂露懸針瑞色明欸識  
索刊三十字風流已自四難并  
印方一寸四旁雪漁題識云王子穀日同藍田叔董元宰崔長羽梁千秋社集西湖女史馬湘蘭索刊雪漁  
秦淮女史柔荑指寫生早契

真如旨蘭素空鉤幽谷香猗紅淺印松花紙二毛追憶渡

江年脉脉情懷倍黯然留取金焦明月在曉鐘輕撞隔花

傳馬湘蘭五十時渡江爲王伯穀西泠湖上忘機友放誕

那嫌金石朽君今呵凍筆生花圖作銷寒日在斗我從忙

裏學偷閒咫尺元龍百尺攀謂東恐惹陶家歌妓笑高吟

雲髯與風鬢

雪珠十二韻

破臘飄仙蕊爭春逗凍芳宮詞珍一斛鮫淚墮雙釵亦自  
牟尼串休誇玉樹佳掌中同護惜隴上豈沈埋瑣碎盈前  
砌玲瓏認遠厓瑤垂嬉解佩星小誤投懷雲海看飛蕩天  
山笑叵涯滾盤紛錯落剖蚌巧安排舍利形偏細冰胎奪  
與偕九英霏寶唾百琲濺瑤階似聽歌喉貫還催鳳律諧  
蓬門鹽米事應樂素封皆

分詠睢陽古蹟得竹園用柳柳州茆簷下始栽竹原  
韻

森森琅玕竹落落姑射肌我儀梁王園得爾物色宜露濕  
寒蟾泣影亂晨風颺綺窗金瑣碎綠借白谷陞文士鄒枚



集望美夢想疲華瞻豈易事清韻不可追棲鳳自得所飲  
啄閑瑤墀同此干霄心勁節含榮滋廻環玉樓杳搖曳仙  
掌持松柏凌冬性後彫歲寒知名園濶千畝小梅斜一枝  
澄懷來宿構從茲得新怡怪石交點綴掃徑開襟期飛揚  
臨小曲俯仰還生姿天籟噓幽篁清冷歌楚辭

秋勝舉次子同人作湯餅會用昌黎示兒韻

赤雀翥南離口銜五色書幽蘭生國香絳霄繞瓊廬瞻念  
僧綽言占易積慶餘君著賢臣頌鼎食纔離蔬我咏添丁  
詩良友幸相於虎豹與龍鳳枝葉符根株仙李有伯陽益  
壽云嬰敷伯陽母爲益壽氏文嬰敷門戶付阿戎公卿席抵噓雙壁羨  
充間五穀積爲區文開如馨兒藍田真不虛瑞靄金香爐

夢叶陶隱居字錯寫弄麀笑我支離疎飄然匹練升化作  
青霓裾蓬矢偕桑弧四方志丈夫峩峩腹上松洋洋龍門  
魚浮磬騰光芒青箱足驩虞明珠老蚌稱於菟交戲娛曾  
聞星入懷茲蓬斗旋樞湯餅四座霑利市果何如呱呱試  
使啼聲宏氣不麤他日摘文詞定追嚴馬徒揀書識之無  
已覺俗態祛翩翩佳公子所貴忠義俱瑤環瑜珥譬入世  
爲通儒詩人仲舒子無忝嘉名初

冬日晴暖農人望雪甚殷詩以催之用東坡雪後書

北臺壁韻二首

清韻誰工贈玉纖都於寂寂悟香嚴散花原出空空手詠  
絮應賡昔昔鹽野陌可能珠化玉凍雲不放月侵檐那須

驢背誇幽興擬破尋梅屐齒尖

晴噪朝來屋角鴉小窗風影轉羲車欲攜解語音聲木好  
證無香蘂葡萄花銀海望中思彼岸玉山高處是誰家戴良  
五字長城在輸韞何嫌說過又

嘉平十九日秋塋招集縣齋爲蕪文忠公設祀和弇

山尙書原韻

水東曾訪先生宅墨沼硃池連釣石殘月明樓吟嘯夕惠  
州安置遷流客文章屈宋憑選掄揆覽磨蝎我思存珠崖  
僂耳留羈魂恨不要道酬羲軒笠屐遺圖如嶽峙讜論猶  
將宥十死如何新法相公喜他日愁書福建子享公睠公  
神格時揮毫和盡淵明詩恍兮惚兮儀公姿騎鯨披髮將

何之玉局老仙替者誰庚申豈必仇三尸公詩春麗鏗雷  
公寧遠昌化欣振矇我家咫尺鄰松風梅花開落東君功  
雙輪蛺蝶爭天工彩雲軒驂葛仙翁有鄰堂與無邪通參  
寥子詩來郵筒仰天大笑顏爲童手捫星斗光羅胸錯居  
二水分流處驚飛鶴翥齋宮古盧橘遙銜青鳥所杜鵑再  
拜啼臣甫羅浮合離風與雨隱護奎精來錫予秧馬交耘  
歌烏鹵嘉平十九逢良辰後七百載祠詩人瓣香儻是前  
生因萬卷鋪張森架構巨眼縱橫看碧宙詠樓那羨東陽  
守豐碑鈎黨同劉祐睢陽今日瞻餘光躬薦清醑登華堂  
神兮無事悲窮荒擠公章蔡誇雄才氣燄炎炎安在哉沙  
蟲已化爲飛埃神兮鑒茲其或來試擬迎神送神曲薰鼠

蝙蝠黃雞粥盤遊飯不招公辱玉糝羹更爲公速廻翔忽  
降千年鶴羽鏃頭垂形落索偏吐光芒萬丈長主人行觴  
遽何央醅醕暗引春風香霜皮瘦脫入山骨靈旗往復真  
飄忽微言在茲曷其沒風流長占西湖月

齋中咏物四首

炙硯

范錫爲新硯揮毫悟夙因坎離成旣濟天火有同人不識  
寒窗苦纔回冷面春龍香餘燼在元化契陶甄

火箸

何須投箸急試看指薪徐鼎上分香久筵前躡足餘撥灰  
煨芋栗煮雪代權輿雙管聞齊下言詩笑起予

棉幰

鎮日垂偏好重門啟太遲紅燈爐火夜綠醞歌時莫羨  
珠輕貫還同絮薄施琤琤曲瓊響知是曉風吹

煖鍋

未能調鼎鼎依樣效爐鑪已逗中心熱渾忘萬籟鳴笑他  
非曲突不必賞狂生氣燄憑人取分嘗骨董羹

除夕和東坡歲晚寄子由詩三首

饋歲

民風美扶持酒食欣協佐蓬門相饋餉和璧變磬貨米鹽  
通有無溫飽愁措大當此歲序闌豈必向日卧豐年幸有  
兆歡言休罵座試問梭迅擲猶如蟻轉磨南枝梅花開北

嚮鴻鴈過擬作送寒詩莫當陽春和

別歲

獻歲臘已殘置閨春偏遲新春在何許舊歲遠莫追去者  
何杳忽來者無津涯此別若云樂流光曾幾時此別若云  
苦爭春藥苗肥請看兒女嬉徒增老大悲祿愧萬鍾養粟  
誰九百辭未覺詩腸窄却憐酒量衰

守歲

把酒夜不寐豁然盃中蛇仰視天如弓絕無纖雲遮衆星  
在弦上斗柄轉無何街前爆竹喧鄰家驅儺譁鼓聲驚節  
物聯翩不停擣蕪柏獸炭烟撲窗篆香斜人生幾少壯失  
足羞蹉跎貧賤長相守母爲事浮誇

題陳理堂學博第一聲圖四首

窄袖輕綃柳樣腰  
櫻桃小口暈紅潮  
歌喉宛轉如珠串  
枉費秦樓弄玉簫

暗拋紅豆記歌聲  
勾引春風一笑迎  
不使紫雲居上座  
主人風調柳耆卿

燕蘭已擬無雙譜  
銅雀還聞第一聲  
荳蔻丁香花爛漫  
好將體態比輕盈

檀板頻敲意欲癡  
陽春誰和雪衣兒  
却從小令纏綿裏  
想見先生酩酊時

壬子

立春日秋旖招集觀劇同賦七言長律分得十四鹽



韻

春影依稀笑隔簾春風勾引上眉尖畫堂座已盈珠履綺  
席杯初浸玉蟾櫻口半開雲藹藹纖腰對舞柳纖纖歌微  
北里看橫笛顰效東家詠撒鹽燕子箋纔聽細度桃花扇  
不恨新添技如曇首心先醉情有汪倫夢亦甜漫道青陽  
宜白雪暗拋紅豆當瑤籤頗憐沈令因詩瘦却愛巴渝信  
手拈長袖拖寧供我嗜匹綾贈定惹渠嫌郇公飲饌傳豪  
侈優孟衣冠動碩瞻客擅高才勝枚叔君持綵筆薄江淹  
英華梁苑搜羅盡賦物爭誇色相兼

和秋勝正月十一日隨山泉郡伯迎春東郊原韻

佳氣蔥朧曉日晴歡騰九陌踏歌聲漫誇白雪因春麗

覺青雲到眼明百技雜陳花影亂五紋初現水波盈風絃  
雅管交鳴豫前導勾芒綵仗迎

響應三農聽鼓徵盆瓿相和笑仍仍土牛出祖吹幽雅岸  
柳爭春憶灞陵才調西園蘓玉局政聲北海李陽水趨陪  
人在和風裏豔說鼇山諫買燈

陳學博理堂將赴固始同人小集話別聯句用韓孟

會合聯句韻

吾道感應求泰州陳交誼合鄭重題襟頓忘疲南昌彭

展競賈勇圍荒月觀平秀水王城高雪樓聳知時寒鴈回

涇縣趙良觀樂濠魚湧衙齋得清暇長寧趙希案牘少留

壅追陪潘陸席秀水陳爭接枚馬踵佳釀出洞庭嘉興吳

小鮮佐瓦甕，塵揮千古空。

陽湖錢季重黃山

拊戰萬夫恐，祇覺言

炎炎。

詎知髮種種，行笈富著述。

淦

落筆埽浮冗，詩探李

賀囊。

復

銘鄙劉蛻塚，似茲大雅才。

良

未荷承明寵，宛邱舍

如舟。

希

西室書連栱，官冷氣自豪。

禮

履坦意無恟，棧宿驛

程迷。

鎮

星飯土銼奉，酸鹹到肺嗜。

重

繩墨奈樗腫，匝月歡

顏開。

煖

遠道別愁擁，心期元執同。

淦

情異虛筐捧，仰羨天

矯龍。

復

俯慙迫，迨蜚敗面等剝割。

良

跬步形跛，虺虎視欲

逐耽。

希

牛革執用，輦會悵懊儂稀。

禮

迹苦羈，倉鹵行行且

遲徊。

鎮

耿耿彌戀，悚衣裝白雪裘。

重

車駕綠雲茸，子弟集

芝蘭。

時

楊星園明府邀赴固始課其令子。

煖

主客連球珙，封思大理齋。

淦

望入橫江隴，雅歌和鷓鴣鳴。

復

文瀾奮鴻溶，聚散本搏沙。

良

蹤

跡忽拘羣魂銷頰水涯希目斷楚山冢鱣堂兆微魚淵蚺

術化若蛹手可月窟捫鎮足定天門踊理堂將赴京兆試鯨呿喜

騰躍季重鸚搶愧豐裔離亭柳穆穆熒去路草甬甬何時共

仙舟淦長風破波洶復

題傅雨蒼乘風破浪圖

絕域漫誇同介子輕舟利涉有商霖男兒壯志應如此海  
水滄波汨古今安穩一颿馳萬里等閒五兩值千金何年  
我似圖中客放棹徜徉契夙心

題韋晴帆禁飲圖圖為優人韓馨倫所作

桃華潭水自悠悠誰造逡巡解客愁對酒當歌偏禁飲澹  
情合得接蘓州

周西峰韋晴帆招集耿扶九澹園玉蘭花下

海棠紅襯玉蘭花  
素女含羞踏彩霞  
風日晴和天氣好  
樓臺幽邃主人遐  
根分靈鷲優曇樹  
身入銀河博望槎  
醋醋裳污春事鬧  
鼓頻搥處小旂斜

招同彭春圃刺史陳東川明經遊城外揭陽尉王遠亭小圃看芍藥用王元之芍藥韻三首

綠肥紅瘦曉風涼  
帷帳烟籠射雉塲  
笑玉孟浮月影圓  
憐金帶送衣香將  
離魂化翻堦色爲  
殿春留墮馬妝  
酹酒勸他開頃刻  
染根不必問韓郎

離離猶自影搖春  
渺渺誰參未了因  
仙尉烟霞蓬島客  
花奴富貴牡丹臣  
孔融北海開樽侶  
曼首東山奏伎鄰  
十二

關于風廿四小畦蜂蝶太紛綸

記昔豐宜出鳳城貪看紅藥似蓮燈萬花不是無遮會衆  
妙真同過去僧阡陌雲連都錦繡箏琴風響到檐棱而今  
落拓粗官慣鼯鼠何須笑五能

雜蒔草花

只緣春事太繁華手自編籬種草花待到秋風秋露裏淺  
紅深碧護窗紗

胡鑑泉觀察持其守蘓州時裁綴錢南浦畫梅殘幅  
囑李小山補成之存其老幹附以新枝另裝成頁  
用晏元獻西岡故事跋於畫顛中間題咏幾徧索  
詩於余爲賦長句一章

折梅仍在畫中看  
掉尾神龍半幅寬  
試向晏殊尋故事  
不教園吏笑無端  
揚州那勝蘓州好  
花影真同月影殘  
我是羅浮春夢客  
忍吹玉笛小樓寒

寄錢獻之同年

一時嘉定誇才子  
十載青門老判官  
最是性情同嗜好  
別來氣味想芝蘭  
茫茫我作楊朱哭  
落落誰憐范叔寒  
鄙吝復生緣底事  
近無消息到長安

八月二十八日舉第五子作湯餅會口占索和

大兒廿七小兒生  
八月廿八秋氣清  
老妻南來投逆旅  
笑復生兒健如虎  
相看都近五旬人  
一官貧徹平生親  
盤遊戲作惠州飯  
罌缶滿貯羅浮春  
呱呱啼試聽溫太真  
蚌老忽

產明珠新醉忘鄴下多才子狂言肆發娛嘉賓舒祺長補  
黑衣隊缺舌賦詩馮智戴頭角豈必能崢嶸丈夫憐少真  
常態鳳毛祇有謝超宗李柰本與檀梨同莫把文章誇小  
宋好承祖德勝而翁

九日畫錦堂賞菊

晚香何必羨東籬畫錦堂前簇錦奇太史漫誇雲五色陶  
潛猶漉酒千卮藍田莊到持螯客黃鶴樓題落帽時解得  
餐英存傲骨小梅莫負向陽枝

時有新捷者在  
座故末句云云



四百三十二峰草堂詩鈔卷第十一

惠州 趙希璜 渭川

癸丑

正月初三日宿董家堤

春風澹宕影離離策馬尋春自覺癡嬉笑兒童拜新月韶  
光爭似未圓時

鬢霜不逐歲華新仕學依然愧指薪明日黃河當早渡知  
津人對問津人

宿淇縣

淇泉綠籊尙依然檜楫松舟憶往年君子幾人遽伯玉畫  
家妙手李龍眠平生未墮昭昭節真樂新窺浩浩天偏是

春風上楊柳倍多明媚艷陽邊

題東川同年詩集卽以贈別

反哺意何極望雲情更深斯篇我三復擬古得元音澹永  
愁中得風騷句裏尋那堪牽別恨送客綠楊陰

題涉縣尉吳溪橋小照

癯仙自是同梅尉廉吏於今得隱之家有鏡湖春色麗堂  
開畫錦彩光奇琴聲乍寫松風內玉貌渾忘宦海涯抱膝  
科頭何所嗜一經舊德教佳兒

送安陽縣孝廉李碧園周鶴田崔晴峰馬慈亭杜儉

齋王恪亭邱壁圃緱聞野王卓圃高石峰董青圃  
許理亭閻作聖黃千里王聯璧許和齋袁榮生朱

紅圍公車北上卽席賦贈

把酒聽彈柳汁新謾誇白雪與陽春此行雲路三千里同  
赴瀛洲十八人卿霽光華依日麗紅綾餅餌爲誰珍頗憐  
老闕殘牙齒未與官厨晏賞頻

宋芝山自安邑至

故人迂道來鄴都自晉適衛我馬瘖一官真果如匏繫九  
載相逢幾淚枯莫說向平畢婚嫁已箋莊子薄華廡自芝山  
已冬赴臨州學博任隨投牒歸里有二子皆先後物故開尊痛飲澆愁思同是長安  
舊酒徒

鄴臺懷古

巍巍鄴鎮大藩籬九合雄名冠一時金鼓幾曾鑿鐵騎鶴

軒不解戰魚麗已教北護淇邊竹終恨南吞漢上姬旅客  
曉來歸夢斷瓊瑰盈握淚雙垂

右齊桓

建安年號摩挲認漳水廻環氣象殊銅雀有臺歸石虎西  
陵無主望東都三分割據槽先破千里荒涼草竟枯謫扇  
舞衣朝復暮猶將揖讓說唐虞

右曹魏

萋萋春草現華宮紫陌新橋架彩虹喚水共看蓮座月轉  
輪試聽塔鈴風阿兄長嘯先驅鹿愛子陰謀戒食葱莫羨  
昭陽飛燕事櫻桃花映落霞紅

右石趙

韓陵片石枕山阿丞相勲名自不磨何以貧兒偏賣酒可  
憐龍子竟操戈翟加官婢權稱后曲譜無愁且放歌最是  
一團猶未罷周師已報晉陽過

右北齊

新婢文琴三首

天涯何處覓知音每愛臨風學鳳吟丰韻喜從新婢得小

名依舊喚文琴

文琴爲吳家婢  
今仍其舊名矣

櫻桃楊柳領春風度曲徵謠白傅同已是苗條年十五髻

雲低壓杏腮紅

風流獨有鄭康成小婢堦前太瘦生細意學栽書帶草襯

他蓮步綠茵行

文杏三首

有幸原來是杏花因風吹送到儂家依稀認得王維館好  
作逃禪誦法華

小畦新種忘憂草曲徑齊開解語花真果花開能解語杏  
林深處演三車

佛說多情色是空色空空色我矇矓開尊且自傾重碧稱  
意何妨覓小紅

五月十四日接芝山書自都門以山水便面見貽疊  
前韻寄之

廿年梭擲驅名都尾已脩脩口已瘖竟酬宿倩周予急識  
得乾皴下筆枯曲徑似通中嶽路清溪幾忘大魚鰔何必

天台雲乞取仁風遙慰草元徒

佩韋堂落成詩以紀之

麥秋初熟斯堂成蒲觴共泛榴花明聯吟欲繼雙檜詩晏  
客那羨三鱸榮北海樽飲洵不流西門治使漳無靈河伯  
娶婦亦瑣事裨言害政宜亟懲斯堂繩民以禮義佩韋學  
豹資師承由來性急多失據曷若敬慎平其情登茲兢業  
毋怠忽務得篤信輸忠誠前賢畫錦蹟未杳美輪美奐同  
崢嶸

六月初九日喜雨

十日不雨則無禾火雲如織鳩啼窠忽有飄風自南至始  
知甘澤養人多大田顚顚垂珠穗短曲聲聲擊壤歌怪道

昨宵月離畢商羊一足舞滂沱

初十日雨後

歡喜今朝雨後涼北窗高卧夢羲皇輕雷未逐濃雲散斷  
澗仍連遠岫長入耳好音來鵲噪襲衣佳氣惹荷香先生  
不似東坡老又在亭中作記忙

與愷自大定入

覲過鄴省余索詩志勗

愷兒今年五十六長我八齡真健犢行行我笑老牛鞭亭  
亭爾是庭階玉近綰新綬典大郡頗解譚元勝癡叔杜甫  
長吟踈懶詩陶潛愛種離披菊却羨諸阮有二妙籍咸修  
況稱雍睦而汝遠來覲



天子邊疆要地慎司牧羈縻撫馭恩並威苗獠獷悍耳作  
目果然寬猛施其宜宅心清淨毋欲速佩韋我學西門豹  
開渠誰引衡漳曲漳水多橫流故名衡漳鄴令久著漢唐先邺風刪  
存周召續毛詩二南之後即邺風春秋時安陽爲邺地栽花河陽須遜潘鳴琴  
單父常儀處滋恐仕學失所據譬如志設求諸鵠循聲爾  
本善射者即射諄言爲爾勗勉承祖德紹箕裘昨予夢爾  
松生腹

### 珍珠泉

九天咳唾從空墜萬斛珍珠不擇地掬來泡影有無間參  
透牟尼真妙諦忽似一星穿荷葉忽似一星屑翡翠小泉  
出沒何紛紛老蚌光華偏細細中有隱淪衣薜荔手執釣

竿偶遊戲長嘯山谷生清風掉尾魚龍驚劍氣魚目雖佳  
豈可混龍領摘之非易事笑同一噴還一醒我來原是遭  
彼睡柳花春日吹作蘋菱花秋月當新霽莫疑合浦孟嘗  
還飲泉已自中心契

單野甫進士自大名丁霖溥觀察署以西園落成詩

索和依韻寄之

元白誇長慶江山羨永嘉西園榴似火南畝稻生花鷗狎  
韓琦宅心閒鄭灼仄風流傳韻事儀廩自名家

千尋遮日樹百尺漏天泉真可觴流羽何曾陸在船雲銜  
飛鳥墜簾捲葢珠懸畫意王摩詰跣跡靜習禪

循聲聞體直尙德笑鳴雄揖讓求其的精能在箇中牛毛

矜目力猿臂奮神工貫札穿楊技何須秬黍弓  
北牖不知暑池荷香襲襟襟義皇勞入夢契合本無心種竹  
同羊徑吹簫學鳳吟悠揚發天籟識得是元音

七月初一日立秋

陰雨已匝月立秋欣晚晴光澄山澗水涼納豆花棚流火  
不愆候懷人無限情梧桐送消息金井聽新聲

初二日聞鴈

昨日是初秋今夜聞新鴈雲澹露無聲葉落人不見銜蘆  
來何早繫帛冥亦簃野田稻梁肥曲沼芙蓉絢漸覺炎蒸  
稀何曾景物變爾聲忽驚我况彼如客燕呢喃語萬縷柔  
媚情一片來去本無常時節深思徧

七夕雨戲作

七夕一夜雨銀潢光杳茫  
祗疑天上淚相對晚來妝  
牛女鵲河鼓風雲繞鵲梁  
樓前誰乞巧長跪引針忙

懷人三十首

風流鄧簣山篤學老不倦  
宦轍秦蜀久文章虎豹變事

事資師承時擴我聞見  
賢郎佳翩翩詞場名早擅

鄧簣山刺史

遷跡住漢陰丈人才卓犖  
會題梅夢圖令我遽然覺

似撰會爲

予題梅夢圖小照

同官剛五載祗屬互磨琢  
望望鳳凰山青掛衙

齋角

莊似撰通判

閉門日著書冷官亦大好  
陽水篆入神少霞手脫藁新作

郡縣志擬同寰宇考

獻之擬仿元和郡縣志太平寰宇記等書作乾隆府廳州縣考滋愧

齊年生已似馮唐老

錢獻之州倅

腹笥誰便便安康董樸園牙籤題鄴侯卧榻懸陳蕃顧我

未聞道相對都忘言山中有客來長官母扣門

董樸園孝廉

識君幾廿載別君又五年落落星向晨飄飄身欲仙今作

萬里遊殊功絕域傳孔翠加蟬冠遠勝銘燕然

楊荔裳侍讀

筠亭清且癯常似怯衣裾豈其塵累淺都忘糟粕餘策馬

茂陵道訪古班生廬望君君不來鄙吝何時祛

宋筠亭大令

搦管填新詞柳烟殘月調青雲騁高步元言超衆妙何爲

咏霓裳忽遭斥鷃笑相思如玉人莫戀寒江釣

凌仲子進士

老友愛園翁西江曾口吸縹緲詩情澹躑躅歸思急彭澤

晚菊開匡廬五老揖銷寒憶雪苑分韻誇險澀

彭愛園上舍

羲獻相繼美比部亢宗子譚詩夜聯牀臨風花結綺小梅

不知寒大雪已盈尺擬仿輞川圖揮灑銀光紙

王秋塋大令

石破天爲驚竒句掩謝朓搔首上太華投壺玉女笑鄭虔

苜蓿盤孫綽金石調深林花自開悠然發長嘯

陳理堂學博

同學季求少雙眸邈秋水十七賦高軒聲名軋小李早翦

垂天翮未展屠龍技法源海棠花重入詩囊裏

馮季求明經丙申歲

與季求兄弟同寓京師宣武坊南法源古寺時季求年弱冠今聞其復寓寺中讀書也

我師猶我父伊山更知我彈琴求鍾期辨律愧何妥氣概

雄心胸曠達復磊砢典試赴陽朔雲烟泛輕舸

康伊山吏部

校書天祿閣少山亦我師近忽事農圃雅韻吹塤箎德涵

早遺榮李廣豈數竒殫心金石學遠期千秋知

康少山舍人

畫鴈仿邊叟小鳳酷似舅筆涵秋水意在蘆中否沙明

涼月淨風冷寒雲走七十六老翁不識達官久

薛小鳳明經

滇池久依栖宦况等蕉鹿縱懷羅雲海寧事修邊幅滑稽

欺曼倩禮法笑王肅揮塵共譚元松風來謾謾

檀默齋大令

山人好說鬼鬼眼似陶穀畫法吳道子詩意黃山谷不妨

病是禪祇覺澹如菊時來送酒人笑煞巾虛漉

羅兩峰布衣

秋菊瘦而狂春蘭幽且媚踪跡奮雲霄神仙偶游戲此生

祇隨綠何者爲得志試聽骨珊珊輕裾來李泌

孫淵如比部

戲作好字圖珍重花田淚一淚還一珠髣髴琴聲異弱昔

不勝衣近復何所嗜伯子能文章難與分軒輕

黃虛舟明經

純孝本至性良史徵奇才浮薄漸趨末振拔猶懷猜玉尺

衡黔南金鑑懸蘭臺亦如韓昌黎文起八代衰

洪稚存學使

突兀西樵山綠浸珠江水小子曰狂簡

二樵名簡其圖章有曰小子狂簡

襟期稱奇詭囊盈詩萬首論闢臧三耳似得畫中禪烟嵐

生滿紙

黎二樵明經

少白近學佛閉戶瞑目坐學問繼吾師曲高益寡和幻影

身已寄曲折愁無那天龍一指頭蒲團久叅破

朱少白孝廉

著書遊禁庭太史聲華早命豈坐磨蝎文驚杼鳳藻落落

來鄴中飄飄雙髯倚玉局謫仙人莫說東坡老

周駕堂編修

小詩得間架險韻苦搜索香尋斷磴梅聲逸遙天鶴爲湖

西江派轉被四禪縛張樂洞庭秋遊心歸廣莫

陳東川明經

博山勤吏事青齊仰釐剔從前搜古心盡佐循良績苗莠



區以別鴈鷗思奮擊翩然忽邀翔萬里寥天寂

武虛谷大令

兩首簾鉤詩一篇芸閣賦長安少年子奔走門前路誰遏

雲璈響曲愛周郎顧邈聞歛其華不作驚人句

呂叔訥學博

吾鄉鄭梅村通經同趙德悠然名理趣每自閒中得少無

仕宦情老憚風塵色猶記語我言士當先器識

鄭梅村監丞

一片澠池月移照河陽花我儀東僑子悃幅原無華朱雲

去圭角潘岳猶浮誇民忘長官尊茅簷詢桑麻

盧東僑大令

少年契肝膽戴笠乘車言相奮騰驥足笑未守兔園仙凡

忽間隔風塵寧憚煩曷哉交砥厲良時逢

羲軒

盧南石祠部

蘊藉致瀟洒奮勇馳風雷帷鍵江都相學綜天人才有時

一壺酒徧醅千株梅五園家於梅溪疎影橫斜處清溪自縈迴黃

園孝廉

禮曹十二載故事明魯公長材典大郡隼旗迎花驄西江  
我舊遊君亦甘苦同好繼先達志使民敦敬忠顏耘甫太

### 輓張葯房太史同年

君少我一歲相長以學問遠冀鴻漸姿終佇鶴鳴聞詩宗  
徐庾體交逾僑札分招我版門屋屢飲龍江醞顛書誇醉  
草筠句押強韻銀光走烟雲墨采忽騰奮窮精溯籀斯妙  
極掩羲獻笑指玉繩低不知仙閣峻白雪歌花田青楊識  
蕭晉邇復去圭角衆理解芒刃研求非章句大義曾詰訓  
詰屈愛聲牙邱索總眇論譬如登崇岡壁立而萬仞譬如

覩良玉密栗而溫潤詩書美回味杼軸誰索蘊便便說經  
筭惟君腹充牣朗朗看特立惟君氣爽儔深情重然諾惟  
君體宏浚古道厲廉隅惟君忘悔吝幽蘭擷其華丹鳳儀  
其順憶與魚山遊共矢南園願詞壇執牛耳仙骨絕塵坌  
髭鬚種摩詰前身施靈運

藥房長髯予曾以摩詰廟之

有時竒趣發無

心鄉人靳

唐書王績傳鄉人靳之托無心子以見趣

贈我端州研細辨鴝鵒暈

見研如見君輕津水急濬何以琴弛彈頓覺愁侵髻思昔  
皎日言每咄抱柱信各抒胷中竒未繫肘後印名期山斗  
高聲羨金玉振飄蓬感斷梗荏苒流光迅亦似夢南柯矇  
矓典劇郡玉樹愴元規大鳥哀楊震山頽二禺峰水失渥  
洼駿凄風號黃雲嚴霜凋朱薜魚山貽尺素壬子四月閏

有人粵嶠來謂君喪在殯長爲狼鶴悲永泯商參恨慟追  
廿載舊食蘗甘處困良材豫章選愧我鉛刀鈍對策綜天  
人摘詞驚浩汗上第掇巍科高等操左券得意春風鳴掩  
映桃花嫩長安馬蹄疾鴈塔明霞襯何人善題名濃淡還  
諦認翩然忽高舉豈其尙華遁偶逢海運徒廻翥扶搖翰  
或謂澹榮祿或疑思熟爛或謂崇氣節或疑過傲岸或云  
繼廣受或轉譏斥鷃烏知孝子志久隔慈親面李密曲陳  
情蓼莪匪蒿變伏櫪淚先枯反哺魂欲斷歸帆蘆荻洲搔  
首匡廬畔裝盈詩畫舫米家互參趁如何滕王蝶化作江  
樓蟹葯房散館後假歸省親舟覆滕王閣下生平所蓄古物盡沒於洪流巨浪中矣舟吞魚腹果  
餘亦死灰燼彭蠡太饗餐啗古等琛寶才本造物忌規遂

不逾瞬差幸得償失快覩老親健鼎鑊商周銅縱橫唐宋  
續考据費精思搜羅供几案珍異自典重優絀交月且詎  
遭封姨妒響寂廣陵散似逢水西流如聞閤運筭定數悟  
離合過去卽冰炭况彼身外者原是幻中幻所恃至性存  
每自窮途見洋洋盤谷序何人送李愿汪汪千頃波何人  
識黃憲藹藹靈和柳何人重思曼二樵與虛舟謂順德黎二樵黃虛  
舟明空切臨淵羨萬里倚閭情幾度星物換萊衣娛北堂  
層城霽冬霰香開庾嶼梅羽簇佐卿箭雖歷百艱辛已遂  
還鄉縣睡足日高時攤書五千卷崔儵大署戶相如遊已  
倦早契涅槃樂退獲無深戀胡竟棄埃壒弗使藥瞑眩愴  
心病消渴怪鵬泣園院三折鮮良醫二豎實構難令我神

俱傷鬱結氣爲咽遺藁題和靖絕口言封禪縹緲主芙蓉  
河魁同里閑戲騎箕尾去那許世塵絆薤露駭聽聞行路  
增哀惋青燐昏夜臺潛形返幽榭易簣啟手足身未遭險  
釁荒原斂鳳鸞叢棘埋瑜瑾哲人猝云亡昊天胡不憖旣  
勘郭林宗莫設茅容飯自我宦秦豫混溟久顛頓少年文  
字交當日都貧賤惟君與魚山成名相後先隨風飄茵褥  
顧我墮藩溷學問亦何常終始痛方半天或假之年卓爲  
海內冠嗚呼次暴廬嗚呼淪碩彥宿草元伯墳雞酒何時  
奠

中秋夜夢魚山見訪

人生離合真無定意氣關通豈偶然好夢渾忘千里遠清

光同看十分圓曼卿已作芙蓉主玉局空譚閬苑仙時菊  
下生一愁聽霓裳演新曲海珠風韻想當年易已

似同攜手訪花田不見張三已十年蟾窟那知天地老秋  
思惟有夢魂牽醒來萬象都空境坐對孤燈感舊綠北望  
燕臺南粵嶠迷離長使淚潸然

送婁東王半庵赴醴泉

醴泉風物好雄勝甲三秦憶作南幽令時尋東道人庚戌  
永壽縣篆半庵主醴泉講席余晉省時必與之留連竟夕年署 鱸堂曾下榻偃室愛比鄰書院  
之右即醴泉縣署 四載離筵酒迴環笑主賓

好友莊似錢獻輩辛酸見面難君來欣倒屣老去強爲歡  
半庵今年六秋到離邊菊風生雨後蘭一般清意味白眼  
十有四矣

傲粗官

文訪韓陵石詩摹銅雀臺鄴中山與水筆底妙能該况是  
千秋鑑休誇八斗才搜羅同考据舊志試新裁時擬修安陽縣志  
日日君言別君歸我語誰知心形跡畧親炙性情移豹管  
治漳水我今詢獻之獻之水經注最熟近人道元踈漏處  
莫或尙支離之衡漳考臆斷多矣

秋原晚眺

斜陽衰柳響秋風禾稼黃雲入望中綠滿平疇麥苗短可  
知生意總無窮

德慶李雲崖同年過鄴以石花見餉賦此志謝

耳也產羅浮飛雲頂者爲上



十年不飲山中味  
鄴下逢君餉石花  
追憶羅浮春夢熟  
笑非畫錦彩雲遐  
重陽纔過菊先老  
野店初更月已斜  
何日林泉遂幽興  
梅村深處飽烟霞

楚旺鎮

沐猴富貴錦衣新  
宋義華筵愧上賓  
何事冠軍偏帥楚  
早知三石必亡秦  
烏江莫返彭城郡  
紅淚交啼虞美人  
畢竟大王先氣盡  
關中羣仰漢家仁

醉後渡衛河口占

三更酒醒月初上  
兩岸犬聲何太狂  
燈火漕船人語鬧  
萬檣新泊水中央

接妻兄許廉舫書志感

十載纔通一紙書壯年情性老來殊東牀昔愧君家選北  
牖今堪我輩俱猶記塗鴉啗太拙果然庸櫟竊華牖老兄  
若問居官事同得陶潛傲骨餘

魚山以重陽日過季光弟法源寺寓詩見寄依韻答  
之

法源幾度

翠華臨仙露明珠契

聖襟邈爾雲光千佛現燦然羅列衆星森晴開北牖濃陰  
覆爽挹西山遠黛侵十八年前同此住那堪廻首薜蘿深  
言舊晉帖笑唐臨兄弟揮毫墨染襟花萼交輝真爛漫琅  
玕相對更清森而今菊徑僧如舊重啟禪扉草乍侵最怕

滿城風雨日催租人莫解窺深

長宜子孫漢鏡歌爲徐心如司馬生子彌月賦

鏡爲黃小

松所贈紐上圍文八字  
日壽如金石佳且好兮

軒轅液金作神物王母粧臺盈皓月那知鼓鑄丹陽銅化  
出清光掩夷則小松司馬今人豪搜羅彝鼎追風騷長宜  
子孫漢世鏡銘詞八字珍瓊瑤壽如金石佳且好傳之奕  
覆明秋毫石色珠光亦豈易葡萄海燕園相交陰陽之精  
乾坤數一十有五歸釣陶持此以爲心如頌太真初試啼  
聲高小蓬萊閣掀銀浪石麒麟本墮天上有夢真同到漚  
兒有字分明廣平相白旃元錫新發硎何物老嫗倍神曠  
豈其尹壽誇虞年頓覺菱花輝寶帳華筵繡祿欣含飴徵

蘭佳兆榮孫枝肯堂肯構他年事記取誌公摩頂時

送楊荔裳觀察赴川北任

聲華兩載震西川濯錦江頭姓氏鐫已勝相如馳檄日莫  
驕嚴武上牀年吐蕃重得瞻威望闡水新教化管絃滋愧  
故人迎道左抱關尹喜未能仙

十二月二十二日與澹村夜話

朔風吹星夜氣黑三更人靜寒燈碧爾我挑燈偏暢談莫  
教辜負霜中笛宦情昔濃今復淡嗜古幽懷竟成癖茲地  
昔有溫子昇韓陵片石誇徐陵又有詩人謝茂秦康王選  
如徵歌新遙遙相距一千載縱譚不惜波翻海未遇元龍  
氣已豪幾曾子建才先餒銅臺高揭漳東流斜月在林人

倚樓侍兒那得皆紅線開我心胷萬古愁

喜王秋塋大令入

覲過鄴

誰是同心耐歲寒秋塋一載共粗官雪迷梁苑成詩易碑  
讀韓陵下筆難望氣忽驚飛燕易朝

天依舊整蟬冠交情王貢應相似白髯蕭森我愧彈

盆梅盛開小集海棠詩屋醉後放歌

我家原與松風鄰譚詩醉覓東坡魂有時含涕坐花下有  
時大笑嬉出門小梅千萬開冬溫酒香殘臘羅浮春何曾  
肯餉採薇客祇恐花落枯芳尊縞衣仙人今尙存藐姑射  
山冰雪身明眸皓齒寡顏色掀翻玉女洗頭盆盆中亦自

無纖塵座上恍忽同江村千秋絕調感甄賦不辭萬遍吟  
黃昏

招秋塋小飲疊前韻贈之

寶慈堂分德有鄰

余與秋塋皆以寶慈名堂蓋取道德經曰忍曰慈曰不敢爲天下先之意也

梅花飽嚼清心魂良辰嘉平十九日銷寒小集賓盈門朝

嗽似爲詩人溫夜談快觀時爲春偕君同拜東坡像愛我

勸酌莊生尊前年分韻風流存今年送客憐孤身

辛亥冬秋塋在

商邱署作銷寒會於東坡生日設祝同時作詩者七人今年秋塋入都過鄰余留其度歲去則一身子然矣

聆

君清言霏玉屑崑崙之水傾金盆道旁俗吏忘風塵悠揚

何處村仲宣試共登樓望征騎蕭蕭烟雨昏

附秋塋和韻

年前宦蹟依芳鄰菟園雪後聯吟魂今年鄴城又殘  
臘重逢一笑歡入門三間新掃清而溫座中芳氣回  
早春平原十日苦留住相期守歲開金尊簿書餘暇  
風雅存哀然著作富等身玉軸參差揮高架冰姿綽  
約圍繚盆我欲去踏東華塵幽夢先落羅浮村來宵  
頌椒作嘉會列炬光照千林昏

四百三十二峰草堂詩鈔卷第十二

新  
禪

惠州 趙希璜 渭川

甲寅

元旦雪

條風輕颺暮烟紫凍雲垂脚蟄龍起滿堦六出雪飛花萬  
戶千門都結綺豐年美玉照桃符屢氣樓臺迷海市蓬瀛  
只在小溪邊梅花開徧空山裏仙衣無縫定誰裁大塊含  
章祇如此笑他萬象白生虛頓悟兩間臧與否此心皎潔  
洗滌餘盈睥素綯光華始扣門有客自南來餉我新詩欣  
倒屣

謂秋  
旌

初二日喜晴三疊盆梅盛開韻



雪消擬托鴻鵠鄰地氣爲魄天爲魂白雲忽散組織巧青  
陽吹暖璿璣門揮毫却笑詩清溫屬和轉愧歌陽春晴光  
點綴上桃柳畫龍隱躍飛孟尊愛梅我有真好存尋芳莫  
負閒吟身碧天微痕茁新月上元故事燒粃盆此時輕風  
清路塵山頭野火明寒村縱目祇疑玉化燭聯吟欲效參  
橫昏

迎春花

柔枝先自笑迎春黃髮真同白首人堪耐歲寒千日醉忽  
開老眼一時新蠟梅似待金門詔傲骨誰憐陶令貧對爾  
市心籬菊好惠風條暢轉洪鈞

黃花我愛占元吉綺閣君偏得首春何日綠陰垂滿地有

時金屋笑前人嬌羞不似長堤柳瑣碎初無一點塵好與  
同心同款曲向陽又值歲華新

附超然和韻

嫩黃聊伴早梅春小朵含情亦可人燈下酒邊相見  
好夢回客去幾番新似予顏色猶煩照對爾丰姿欲  
忘貧斗室自應詩意滿眼前風物趁韶鈞

愁說年華攬鏡頻尊前一笑喜迎春偶移仙種來吟  
閣問挿雲鬢得幾人早擅風光虛白牖肯教零落輒  
紅塵如金點綴花爭發微卉當筵結構新

送周石鶴歸杭州

春回君欲去梅放雪猶酣爲訪湖心鶴難停陌上驂思親

望雲切箴友贈言慙不盡綢繆意如龍憶老聃

蠟梅一首次蕓韻

凍香香含蠟梅花一枝寄贈王孫家

蕓詩贈趙景貺

豈是幽芳等

嚼蠟此日鄢陵數尤物

蠟梅以鄢陵素心者爲最佳

廣寒桂樹人所知

人人愛哦桂花詩君不見吳剛斫盡桂枝葉  
呂鎬射月技偏絕金精已墮鄢陵山  
花開驚醒癡龍眠入懷疑挾太白  
去把盞朗誦東坡句是空是色娛詩人  
卽形卽影影對君何須朝楚復暮越  
黃梅擬尋五祖鉢

海棠詩屋

廳事東偏半跬隙地鄢臺才子千古餘  
芬創詩屋於十笏之間海棠環植覓吟  
魂於三椽之內春夢

非賒風格遠溯建安香韻尙留西蜀

蜀中昌州僕海棠獨香

憐謫劣椎樸無文時屈芳菲心花煥發豈騁懷而

獨步爰卽景以據情云爾

少陵攔筆我何堪沉睡東風三月三濃艷可能描宋玉淨  
綠未許結優曇靈芸淚滴知多少子建詩成合醉酣紛墮  
天花渾不染廳旁十笏結茅庵

垂絲西府兩多情枝上黃鸝百轉鶯求友定知還勝我羣  
芳畢竟不如卿廻環文綺憑空結烘染晴霞分外明楊柳  
天桃比顏色嬌羞祇覺太慙生

香風漫詡鄰西蜀詩品何人壓建安放眼喜看千樹碧向  
陽先吐寸心丹好教銅雀藏紅線莫任霓裳上絳壇最是

五更清夢醒月斜池畔怯春寒

倚樓欲語笑嫣然傾國名花本解禪自是子規啼不到却  
輸詞客興無邊馬融帳媿譚經盛李靖才因執拂傳絢爛  
總歸平澹好楞嚴日誦我忘筌

春聯

九天閭闔艷同文帖剪宜春郁五雲走徧城門無偶句誰  
題凡鳥笑新聞吉祥語愛尋商隱瀟灑書難換右軍比對  
精工光耀目西崑何必富邱墳

門神

一手對面肅衣冠此日形模仔細看鬼笑路邊窮未送僧  
敲門外夜方闌忍教爾我同儻戲長使山林守歲寒易賣

更新真習慣何曾喜色溢眉端

題黃薇堂竹深荷靜圖

滿湖香放菡萏花蕭森掩映琅玕遐有人軒開四面坐採  
蓮船蕩雙槳斜天光雲影爽心目鳶飛魚躍忘烟霞七賢  
未識此幽豔六郎已是無纖瑕羲皇入夢卧北牖神仙弄  
幻來金華薰風微涼自南至似飽一尺冰圓瓜

天寧寺圈虎行

新春陳百伎春滿天寧寺縱觀士女踏高歌戢耳山君下  
平地徐徐出柙行眈眈玩物情豈逢闍黎忽懾伏已狎惡  
少忘榛荆伸臂試戲牙齒獐露首聽舐唇舌聲倏爾咆哮  
雙眸青我獨袖手旁觀清鳳兮羽族長虎兮百獸王何爲

一鳴誇朝陽何爲七尺悲昂藏曾卜涉水若履尾今笑入  
檻同猥羊佛圖澄昔瘞石去鮮卑小兒嚙臂苦漳流空咽  
銅雀臺東明館竟成飛灰南山詩篇韓愈刺徘徊誰補鄴  
中記

人日卽事

落梅點額檐邊卧佳話相傳七日人王母東來戴花勝李  
充西去陟安仁輕雲飄颻回殘臘小雨霏微暗早春好逐  
兒童喧笑語鏤金剪綵最靈辰

水仙花

綠窗冷艷奪梅花沁骨香無一點瑕蘄蔔不教天女散邨  
持金盞演三車

上元夜次蘓韻

一  
首和嶸賦萬盞乾元燈粃盆添獸炭鰲山脊增稜有如  
慶雲聚不覺祥飈興與照耀同白晝晶瑩鏤輕冰誰衝官長  
仗手擬推敲僧迷目紛銀花輝景高金層遠落星耿耿倒  
散髮髻將歌舞悲三臺香履貽西陵強歡且勉飲那計合  
與升遊仙踏月華絢綵鸞鳳騰

元宵曲

香車寶馬飛塵輕神燈佛火懸璿衡鵲巢掩映月作窟赤  
帝之女昇天行光華通明散銀樹烟霞繚裊揚春煦翻曲  
誰聞畫笛聲驚人未得尋花句李暮供奉上陽官曾與天  
師步彩虹瀛海客來三島外霓裳樂譜五雲中競傳鄴下



登高會笑煞漁陽搥鼓吏獸面充階復艷裝澄脇生光真  
狡獪化出星星九子鈴浮圖風靜一鈴鳴傳柑撒荔尋常  
事爲報笙歌樂太平

夢羅浮

廿年不飲羅浮春誰其餉我黃野人識子本是稚川隸入  
夢更介無懷民邯鄲一枕墮機阱梅花萬樹忘前身合離  
恍惚任風雨去來踪跡奚輪轅遠騎蝴蝶大於鶴復隨瘖  
虎嬉無言紅翠亦知迂舊侶長松猶自啼清猿寒香飽嚼  
沁心髓塵緣偶爾超籠樊野人杖策導我前簫韶迭奏遊  
元此夢黃粱炊未熟此夢丹篆吞仍溫葛仙拍手迎至  
門笑予跋涉勞吟魂賣酒田著犢鼻褌耀真洞裏刈蘿存

何時夢醒賦歸去羣仙聚會開芳尊

正月十六日接秋塍書兼寄以邯鄲旅店題壁詩次  
其原韻

惟有交情似合符常將美玉切昆吾盧生不是瑯琳品底  
事瀛洲辨有無

纔綰南柯太守符又誇仕宦執金吾宦情原逐年華澹不  
識堯元憶我無

附秋塍原作

千門一例換新符三載重來愧故吾夢裏遷除差較  
易宦情淡到夢俱無

寄黃小松司馬

沛水真堪寄興豪風流司馬擅風騷漢唐金石搜羅徧篆

隸文章考據勞好覓劍光騰碧落却從鏡背識蒲萄殷勤

下訪西門豹

小松記拓西門府君碑

片石猶留渤海高

碑陰有僕射趙郡元韶名

應是東魏時高歡所建

滕三此去逢黃九

時滕萍鄉縣佐赴沛

問我情懷迥異前官舍僻居

城北角海棠環植屋東偏酒腸已共詩腸窄五戒初無一

戒堅成佛定歸靈運後蒲團惟說野狐禪

登天寧寺塔

尋春信步到天寧乘興登高倚曲櫺洹水北環飛練白太行西望湧螺青萬家烟火三臺月七級浮圖九子鈴梵唄乍宜人似海散花鹿女纂鴻冥

安陽橋步月

天光月影交揚輝虹橋鯨跨洹水湄安陽士女走百病前  
裳醑酒前致詞人聲聒耳車擊轂鴈齒搖目風生漪此時  
冰泮魚先知大魚喁喁小魚嬉以口唼月月如絲寒芒紛  
射穿珠璣我亦心醉情爲怡我病霍然身忘疲空明世界  
同琉璃佛燈隱現來藥師願爲斯民饑寒醫徧敷仁術敦  
恬熙

題合浦李載園新陽杜書山詩文集後

久羨光芒萬丈長今從李杜識文章海門怒湧千層浪

載園

有海門書屋

壯篋渾忘五夜裝

書山渡桑乾河或翦其書笈去今所刻則翦餘草也

治績

賣刀還買犢名言入室復登堂依稀聽奏成連操不覺情

移嘆望洋

十載故人如對面千秋絕業已成家濃疑金谷珊瑚樹澹  
到優曇薺葡花青眼縱橫纔卒讀紅闌抄寫爲籠紗殷勤  
更浣薺薇露班馬同薰拜寵嘉

載園書山同日  
以詩文集見貽

宋果泉自粵來攜紫蒲萄酒見訪歌以侑之

果泉自粵回餉以蒲萄酒酒中忽現含笑花醉來恣騁談  
天口縱橫雄辯驚四筵喉渴長鯨奔飲泉思源況是家鄉  
水測海誰浮萬里船船內復何有有酒如澠久青州從事  
笑先生挈瓶倒瓊謀諸婦蒲萄醅玻瓈杯屠蘓煖引春風  
歸纔向函關迎紫氣又隨海客揚清輝清夢杳暮烟飛窗  
外小梅開未開盈堦一樣羅浮月不見花魂度嶺來

謝徐尚之寄肉桂

桂芳何如蜜其甜良朋規我勝鍼砭人人知道青花好日  
日誰憐白髮添百味都從澹中永一身不附熱時炎爲薪  
指火香盈屋笑彼依然色相兼

自勗

行年四十九豈尙未知非聞道愈增惕治民求所依條風  
生意滿紫燕舊巢歸至理當前在悠然學佩韋

孫毅齋大令來鄴得關中舊同事消息有感

漢中曾幸濟同舟五載青門感舊遊我自仇池作仙吏君  
欣右手挹浮邱今來春暖尋銅雀記否秋殘弔武侯杯酒  
論文談往事故人星散淚雙流

終南名勝搜尋徧涇渭源流考据殷才似獻之謂遭白眼錢  
之獻貧同原憲附青雲此行好吸西江水縱覽憐空北國羣  
勉誌韋弦輪緩急莫將花縣笑繽紛

花朝日勸農

二月十五春風和百花競放同綺羅輕騎出城勸農事欣  
看牛背披烟簑撲蝶無須如團扇擊壤是處聞清歌悠揚  
本自有天籟民安物阜占嘉禾原草紆青牧驅犢垂楊拖  
線鶯拋梭風土鄴都尙醇樸力田孝弟搜巖阿牽車服賈  
稟康誥晴雲麗日烘松蘿穠桃艷李陌上好衣香人影柔  
中過我仿田峻履南畝願祝黍稌豐年多轉笑錦江鸞鷺  
歸何如教稼遵洹河

燕睇

含光顧影欵林扉凝睇春風下上飛  
認得舊巢營隔歲迎  
祿又趁社前歸

年年避戊巧窺檐日日啣泥恨隔簾  
爲捲珠簾釵忽墮繞  
梁對舞影纖纖

韓陵山

迤邐十里山平遠春草蒙茸青似翦  
幾曾韓信陣雲屯聞  
道高歡旗鼓偃爾朱亂紀干天常楊白花歌空斷腸  
宅有  
葫蘆生滿月淚流宮殿禮空王鄴都爭戰無虛歲豺狼羣  
嗥鼠忌噐大厦難支銅雀臺片石偏留定國寺漫說興亡  
月再圓魏家宰詔瓦圖全豐碑不是班生筆巨禍初平普



秦年詩情躑躅劉公幹暮宿韓陵增永嘆誰其繼者溫子  
昇文章卓立風流冠山前山後萬人家柳暗花明織彩霞  
祇今惟有洹河水曾照當時建大牙

### 洹河

洹河西來繞城北水淨沙明汴湜治績人傳西史祠  
塞裳夢泣瓊瑰客何曾紂甲飲百萬早笑蘓秦盟六國  
尋源直溯上黨強順流亦據天下脊九節度師奚以潰  
貪狼引豺林成棘已是舟中指可掬漫誇馬上滅乃食  
千金萬金溉田渠咸亨至和淪溝洫荒郊瘠土皆膏腴  
墾陌開阡藝黍稷又殷報賽祀樂巴忍言娶婦譏河伯  
出雲降雨神龍奇戲躍晴天門雌霓

與馮季光讀書法源古寺幾廿年矣今春二月季光  
自都門來出其詩卷見眎知其仍寓寺中也爲題  
長句一章志余老大傷悲之感

祗道長安居不易能吟白傅句何難廿年舊寓仍蕭寺一  
卷新書著鵬冠記得海棠花共賞不嫌脫粟飯同餐故人  
已是晨星散獨正惟君守歲寒

題邱東河太守百十二家墨錄

收藏百十二家墨前輩風流接漫堂搗盡元霜見仙窟遊  
經滄海攫龍香蟲魚花鳥都奇狀琢璧圭琮滿一牀我有  
研材編作筏

余聚古今硯百餘方中有一硯僅存隸書筏字因名余齋曰研筏

擬隨萬石

入書倉

古樹歌爲東河賦

我昔遊關中秦松漢栢交青葱又登華山頂吸露餐霞發  
清誓毛女來窺不避人陳搏躡蹻何時醒笑騎元鶴壽千  
年飛出碧波流萬頃蟠桃仙李忘春秋瓊室瑤臺認鄉井  
而今飄蓬斷梗依棲洹水湄東河太守貽我甬江邱界古  
樹一卷詩詩中光怪爭陸離兩松一栢柯交枝六百餘載  
相扶持盤空橫硬虬蛟螭陰大蔽牛雲生颶礫礪樛結鱗  
皴肌雷霆冰雪貞其姿繩墨規矩誰爲施棟梁早已工師  
遺連理不逐芳菲時梧桐棲鳳楓人嗤茯苓有夢纏兔絲  
矯矯鬱鬱披之而徂徠新甫營奚斯何爲鄞上邱氏移渡  
江僑姓德務滋樹人兼樹木濃陰已盈屋向榮偕欣欣偃

仰東臯麓枯樁思先型衣冠蔚舊族用事卜黑精量材豈  
車轂至道窅窅還冥冥視之無見聽無聲參天拔地衍世  
澤堅心勁節垂脩名

春雨

春晴雨更佳浙瀝洒瑤街披笠牧驅犢懸崖松落釵花含  
千朶笑人愛一犁偕雲外來清韻離離鴈字排

惟有北嚮鴈欣聞春雨聲健翎初洗刷遠舉計征程誰濕  
枕邊淚相思江上情綠波柔媚甚生怕曉風輕

輕燕捎睡蝶細絲穿落花分明銀網密不覺玉簾遮草長  
茵如翦雲深樵在遐霏微迷望眼春樹萬人家

寶蓮寺

翠栢森森官道旁，寶蓮古寺小禪房。  
往來不是看花客，雲水偏逢選佛場。  
笑我淨緣忙裏結，證他現在幻中藏。  
山門已隔紅塵界，漫說心清有妙香。

夜雨獨坐

夜雨催短更，漏滴蓮心苦。  
琵琶隔院彈，切切聞私語。

贈孫補亭孝廉

補亭先生開講席，說經快激羣言液。  
捫天手自摘星斗，擲地聲猶作金石。  
兩兒幼小思且魯，六籍問難悅與懌。

子澤俱受業門下

童蒙養正殫厥功，先民有言自古昔。  
果其竟以

魯得之，豁然貫通愚可闢。  
嬉戲惟知惱弟妹，塗鴉尙未辨點畫。  
嚶嚶平旦讀書聲，叫吼麤氣耳已逆。  
先生循循善誘

人不教日裏走赫赤盧仝老友殷十七風流當代文章伯  
道尊今日仰師嚴入室莫忘先踐迹

送董超然北上

世人喜聚君喜散離筵大笑回頭看笑我鬢塵兩目憚年  
年送客斜陽岸匹馬短衣纔至骭百篇斗酒狂側弁翻身  
據地聲忽變醉學龍吟雲欲斷別腸那有九迴轉寸衷掃  
盡千愁亂聚本聞名欣見面散似驚飈逐流電經筭孝先  
藏萬卷詩膽劉叉大一綫謾人壽我真冰炭飄然不受牢  
籠絆

宜溝驛雨後卽事

野水翻波下官道殘雲帶雨送斜陽柳邊濃綠明霞襯天

際微青彩霓藏過樹蟬喧餘韻逸荷鋤人趁晚風涼栖栖  
莫笑泥塗客馬上吟詩看太行

新晴

滂沱三伏雨雨過一天青樹杪新涼到花前野鶴停生憎  
月離畢最好火流螢荷靜輕風引羲皇夢未醒

納涼

迎爽當軒月開懷解愠風豆棚香晚放酣飲碧荷筒

謁比干墓

元老不圖存王綱已先墜諫死一字仁墓封千古義夷齊  
扣馬言微箕存祀意獨正松栢同賦詩板蕩異黃泉血化  
碧白旄麾作誓代暴仁義師得人商周際惟此志難奪本

自忠無二剖旣肆荼毒心終懷讜議亦如美里囚明聖非  
柔媚後世仰至德三分甘服事我生命在天肝腦悲塗地  
王心不肯悟臣心死猶媿與國共休戚食祿焉趨避油油  
對禾黍多少殷墟淚

衛河水漲渰浸田廬城不沒者三版矣愴然有賦

今春赤地已千里夏澇荒郊浹旬雨衛輝城外黔黎悲人  
家屋上馮夷舞我住三日比干廟目擊蒼茫心媿沮盈盈  
咫尺不得前杳杳情懷無可語側聞深夜鬼啼飢躍入平  
林魚化虎揚鬚無厭巨舟吞貪饕那計羣生苦自慙微材  
鮮技能欲效老漁施網罟填平滄海變桑田手捉螭蛟獻  
神禹



松少司農筠奉

命赴楚道出衛源開倉撫卹詩以紀事

司農持節來荆楚

天語溫存許便宜環視災區盈濮上暫停征轡拯民飢哀  
鴻就哺忘公惠鳴鳳朝陽報

主知竚望

九重加獎藉當今汲黯契

宸慈

呂仙閣

道側呂仙閣紅塵花木幽行人真夢裏晝夜似川流過去  
都陳迹重來紀舊遊黃冠偏看破若個早回頭

蟬

爾本清高物何爲趨熱鳴因風懷別調過雨噪新晴冠上  
依人潔枝頭守我貞螳螂來捕捉偏譜入琴聲

蛙

蛙亦知厭雨躍來階上鳴公私渾未辨溝澮已皆盈原草  
濕欲腐池荷香晚生螢光流照處閣閣與書聲

寄秋塍

躑躅泥塗衛源曲三日炊烟斷茅屋一雨經旬萬頃波雷  
聲電影翻江河高岡盤踞蛟龍宅平地水深三十尺鬼復  
弄人鳴啾啾兒牽爺手啼飢溺君前來此度端陽捧檄淇  
泉散口糧旱魃竟遭河伯妒陽侯羣鼓怒濤狂狂風拔樹

如偃草淮渦助勢同飛鳥蒼茫桐柏不肯降扁舟已自盈  
官道半載何堪旱澇仍報君知共更憂深朝歌自昔奢靡  
慣莫怨箕風畢雨星

遲王虹亭不至

咫尺真千里仙凡竟隔塵望洋平地濶時值衛水暴漲久雨晚晴  
新不見王曇首空懷杜子春盈盈纔一水無那倚樓人

高村橋曉發

曉整歸鞍月掛天波澄綠竹湧前川家鄉徧地皆君輩一  
到淇泉便斐然

稽侍中祠

家庭徂起金甌缺帝衣勿浣侍中血官私未辨上林蛙忠

義誰持蘓武節酬知聞主良獨難歸死疆場忍偷活蓼莪  
廢讀是何人廣陵散久寃填結伍員應愧歌吳市怒濤空  
自咽勾越食其祿焉避所事涅不緇寧志可奪機雲喚憶  
華亭鶴王謝勲誇江左閣巍峩曷若蕩陰祠河嶽日星爭  
皎潔

### 槐花

槐花開徧道周黃鴻鵠秋風引翮翔幾見染衣同柳汁好  
教憑夢綰金章南柯欲借一枝老盡榜誰呼千佛忙莫問  
靈椿與丹桂先占元吉殿春芳